

西夏志略

西夏志

西夏志略卷一

唐

懿宗咸通 年平夏部拓拔思恭自稱刺史

按唐書懿宗本紀不載 按唐書党項傳始天

平夏部有戰功擢容州刺史天柱軍使其裔孫拓拔

思恭咸通末竊據宥州稱刺史

僖宗中和二年以拓拔思恭為四面都統封夏國公

賜姓李

按唐書僖宗本紀中和二年正月以拓拔思恭為南

面都統八月丁巳拓拔思恭為京城四面都統
党項傳黃巢入長安拓拔思恭與鄜州李孝昌增而
坎牲誓討賊僖宗賢之以為左武衛將軍權知夏綏
銀節度事次王橋為巢所敗更與鄭畋四節度盟屯
渭橋中和二年詔為京城西面都統檢校司空同中
書門下平章事俄進四面都統權知京兆尹賊平兼
太子太傅封夏國公賜姓李嗣襄王愠之亂詔思恭
討賊兵不出卒以弟思諫代為定難節度使思孝為
保大節度鄜坊丹翟等州觀察使并檢校司徒同中

書門下平章事王行瑜及以思孝為北面招討使思
諫東北面招討使思孝亦因亂取鄜州遂為節度使
累兼侍中以老薦弟思敬為保大軍兵馬留後俄為
節度使

宋一

太祖乾德元年四月夏西平王李彝興獻犂牛一
按宋史太祖本紀云云

太宗太平興國七年夏五月夏州留後李繼捧獻其
銀夏綬宥四州六月其弟繼遷奔地斤澤

按宋史太宗本紀太平興國七年五月夏州留後李
繼捧獻其銀夏綏宥四州六月遣使發李繼捧總麻
已上親赴闕其弟繼遷奔地斤澤十一月以李繼捧
為彰德軍節度使 按夏國傳李彝興夏州人也本
姓拓拔氏唐貞觀初有拓跋赤辭者歸唐太宗賜姓
李置靜邊等州以處之其後析居夏州者號平夏部
唐末拓跋思恭鎮夏州統銀夏綏宥靜五州地討黃
巢有功渡姓李姓思恭卒弟思諫代為定難軍節度
使思諫卒思恭孫彝昌嗣梁開平中彝昌遇害將士

立其族子蕃部指揮仁福仁福卒子彝興嗣子具五
代史彝興彝超之弟也本名彝殷避宋宣祖諱攻殷
為典初為行軍司馬清泰二年彝超卒遂加定難軍

節度使晉初加同平章事開運初契丹授西南招討

使漢初加兼侍中周初加中書令顯德初封西平王

世宗即位加太保恭帝初加太傅宋初加太尉北漢

劉鈞結代北諸部來寇麟州彝興遣部將李彝玉會

諸鎮兵禦之鈞衆遂引去建隆初獻馬三百匹太祖

大喜親視攻玉為帶且召使問曰汝帥腹圍幾何使

言彝與睦腹甚大太祖曰汝帥真福人也遂遣使以
幣賜之乾德五年卒太祖廢朝三日贈太師追封夏
王子克膺立克膺初名光膺避太宗諱改光為克彝
與之卒自權知州事授檢校太保定難軍節度使開
寶九年卒兵破北漢吳堡砦斬首七百級獲牛羊千
計俘砦主侯遇以獻累加檢校太尉太平興國三年
卒太宗廢朝二日贈侍中子繼筠立繼筠初為衙內
都指揮使檢校工部尚書克膺卒自權知州事授檢
校司徒定難軍節度觀察留後太宗征北漢繼筠遣

銀州刺史李光遠隨州刺史李光憲率漢蕃兵列陣
渡河畧太原境以張軍勢太平興國五年卒弟繼捧
立繼與捧以太平興國七年率族人入朝自上世以來
未嘗親覲者繼捧至太宗甚嘉之賜白銀千兩帛千
疋錢百萬祖母獨孤氏亦獻玉盤一金盤三皆厚賚
之繼捧陳其諸父昆弟多相怨願留京師乃遣使夏
州護總麻已上親赴闕授繼捧彰德軍節度使并官
其昆弟夏州蕃落指揮使克信等十二人有差遂由
赦銀夏管内太宗嘗宴群臣苑中謂繼捧曰汝在夏

州用何道以制諸部對曰羌人舊悍但羈縻而已非
能制也弟權知夏州克文來朝以唐僖宗所賜其族
祖思恭鉄券及朱書御九束上改博州防禦使初繼捧
之入也弟繼遷出奔及是數來為邊患有信繼遷悉
知朝廷事蓋繼捧泄之乃出為崇信軍節度使克憲
為道州防禦使克文遣歸博州並逐常叅官為通判
以專郡政繼遷繼捧族弟也高祖思忠嘗從兄思恭
討黃巢拒賊于渭橋表有鉄鶴射之没羽賊駭之遂
先士卒戰沒僖宗贈宥州刺史祠于渭陽曾祖仁顏

仕唐銀州防禦使祖彝景嗣子晉父光儼嗣子周建
隆四年繼遷生于銀州無定河生而有甚開寶七年
授定難軍管内都知蕃落使繼捧之歸宋時年二十
留居銀州及使至呂總麻親赴闕乃詐言乳母死出
葬于郊遂與其黨數十人奔入地斤澤澤距夏州東
北三百里

雍熙元年冬十月夏州言掩擊李繼遷獲其母妻俘
千四百餘帳繼遷走

按宋史太宗本紀云云

按夏國傳太平興國八年

知夏州尹憲與都巡檢曹光實偵知夜襲破之斬首
五百級焚四百餘帳繼遷與其弟遁免獲其母與妻
雍熙二年春二月夏州李繼遷誘殺沁州團練使曹
光實四月夏州行營降西蕃五十餘族六月獲炭羅
臧等十四族是年武川團練使郭守文帥師討破夏
州鹽城鎮凡降銀麟夏三州

按宋史太宗本紀雍熙二年二月夏州李繼遷誘殺
沁州團練使曹光實四月夏州行營破西蕃息利族
斬其代州刺史折羅遇并弟埋乞又破保洗兩族降

五十餘族六月河西行營言獲爰羅臙等十四族焚
千餘帳按夏國傳李繼遷連要豪族轉遷無常漸
以彊大而西人以李氏世著恩德徃徃多歸之繼遷
因語其豪右曰李氏世有西土今一旦絕之爾等不
忘李氏能從我與後乎衆曰諾遂與弟繼冲破丑重
遇貴張浦李大信等起夏州乃詐降誘殺曹光實于
葭芦川遂襲銀州據之時雍熙二年二月也三月破
會州焚毀城郭而去按曹光實傳李繼捧之入朝
也以光實為銀夏經麟府豐宥州都巡檢使繼捧弟

西夏志卷一
繼遷逃入蕃落為邊患光實乘間掩襲至地斤澤俘
斬甚衆破其族帳獲繼遷母妻及牛羊萬計繼遷僅
免使人紹光實曰我數奔北勢窘不能自存矣公許
我降乎因致情款陳甥舅之礼期某日降于葭芦川
光實信之且欲專其功不與人謀及期繼遷先設伏
兵令十數人近城迎致光實光實從數百騎往赴之
繼遷前導北行將至其地舉手麾鞭而伏兵應之光
實遂遇害 按郭守文傳雍熙二年詔守文率兵屯
三交俄加鎮武州團練使屬夏人擾攘命守文帥師

討之破夏州監城鎮炭羅賦等十四族斬首數十級
俘獲生畜萬計又破咩族殲焉諸部畏懼相率來
降凡銀麟夏三州歸附者百二十五族萬六千餘戶
西鄙遂寧

雍熙三年李繼遷叛宋始附遼

按宋史太宗本紀不載按夏國傳雍熙三年遼以

義成公主嫁繼遷冊為夏王

按此年義成公主下嫁與遼史本紀同而遼史

傳作統和七年則宋端拱二年也今並存之

按遼史聖宗本紀統和四年十二月丁巳李繼遷引

五百騎歟塞願婚大國永作藩輔詔以王子帳節度
使耶律裏之女訂封義成公主下嫁賜馬三千匹
按西夏傳西夏本魏拓跋氏後其地則赫連國也遠
祖思恭唐李受賜姓曰李涉五代至宋世有其地至
李繼遷始大據夏銀宥宥靜五州緣境七鎮其東西
二十五驛南北十餘驛子德明曉佛書通法律嘗觀
太一金鑑訣野戰歌製番書十二卷又製字若符篆
其俗衣白穿衫氍冠冠後垂紅結綬自號嵬名設官
分文武其冠用金縷貼間起雲銀帟帖排衣金塗銀

帶佩蹀躞解錐短刀弓矢穿靴禿髮耳環重紫旋襪
六襲出入乘馬張青蓋以二旂前引從者百餘騎民
庶衣青綠革束之五音為一音裁祀之九拜為三拜
凡出兵先卜有四一炙勃焦以艾灼羊髀骨二擲筭
擲竹于地以求數若揲著然三呪羊其夜牽羊焚香
禱之又焚穀火于野次晨屠羊腸胃通則吉羊心有
血則敗四矢擊絃聽其聲知勝負及敵至之期病者
不用医药召巫者送鬼西夏語以巫為廝也或遣他
室謂之內病喜報仇有喪則不伐人負甲棄于背識